

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Broj: 01-011-158/00.
Sarajevo, 4.7.2000.

Z A P I S N I K
sa 23. sjednice Predstavničkog doma Parlamentarne skupštine
Bosne i Hercegovine

Dvadesettreća sjednica Predstavničkog doma održana je u dva dijela.

Prvom dijelu sjednice – 22. juna 2000. godine, prisustvovala su 33 poslanika – 21 iz Federacije BiH i 12 iz Republike Srpske. Odsustvo sa sjednice opravdali su poslanici Ivo Mijačević, Ljubomir Zovko, Vito Rakić, Munira Karić i Zlatko Lagumdžija. poslanik Tarik Čaršimamović najavio je zakašnjenje, ali nije stigao tokom rada sjednice. Bez najave odsustvovao je poslanik Haris Silajdžić, kao i Hamdija Kulović i Safet Oručević, koji su u ostavci.

Sjednici doma prisustvovao je predsjedavajući Vijeća ministara BiH i jedan broj članova Vijeća ministara, kao i drugi domaći gosti i predstavnici međunarodnih organizacija u Bosni i Hercegovini.

Predsjedavajući Pero Skopljak je upoznao poslanike da je prije sjednice održan sastanak Kolegija sa predsjednicima poslaničkih klubova i predstavnicima stranaka koje nemaju klubove poslanika. Naglasio je da odziv tom sastanku nije bio dobar, ali da je bio kvorum, te da je razmatran prijedlog dnevnog reda koji je upućen poslanicima i da su prisutni postigli saglasnost da na dnevni red idu predložene tačke, sem tačke 4. Nacrt zakona o preuzimanju dužnosti člana Predsjedništva u toku trajanja mandata. Upoznao je Dom da je prolongiranje rasprve o ovom nacrtu zakona tražio predsjedavajući Predsjedništva BiH Alija Izetbegović, dok ne stigne najavljeni prijedlog OHR-a i OSCE-a o regulisanju ovog pitanja.

Drugi zamjenik predsjedavajućeg, Mirko Banjac, je prigovorio, rekavši da na Kolegiju nije postignuta saglasnost oko predloženih tačaka dnevnog reda, već je dogovoreno da u prijedlog dnevnog reda ide sve što je stiglo Domu, a da li će ući u dnevni red odlučit će se na sjednici.

Prvi zamjenik predsjedavajućeg, Halid Genjac, naglasio je da Kolegij ima obavezu da ustanovi da li su ispunjene sve potrebne pretpostvke da se određena tačka uvrsti u dnevni red. To je učinjeno i ovog puta predlažući u dnevni red tačke za koje su ispunjene pretpostavke da se razmatraju.

U raspravi povodom prijedloga dnevnog reda učestvovali su: Sejfudin Tokić, Ibrahim Spahić, Mirko Banjac, Miodrag Deretić, ministar Marko Ašanin, Abdurahman Malkić, Rasim Kadić, Mediha Filipović, Branko Dokić i Halid Genjac.

Prijedloge za dopunu ili izmjenu prijedloga dnevnog reda dali su:

Sejfudin Tokić – da se u dnevni red uvrsti Nacrt zakona o sportu (predlagači poslanici i delegati: S. Tokić, I. Divković, I. Lozančić, M. Herceg i R. Ristić);

Ibrahim Spahić – da se u dnevni red uvrsti Nacrt zakona o crvenom krstu/križu BiH (predlagač Edhem Bičakčić). Predložio je da se Dom na ovoj sjednici izjasni o

prijedlogu da se u dnevni red 24. sjednice uvrsti rasprava o ekonomskoj i socijalnoj politici u BiH

Mirko Banjac – predloži da se odgodi rasprava o nacrtima zakona pod tačkom 5, 7-12, a da se od Vijeća ministara zatraži da o nacrtima dostavi mišljenje u roku od 7 dana.

Abdurahman Malkić je predložio da se u dnevni red uvrste zakoni o cestovnom saobraćaju koje je predložio Haris Silajdžić.

Branko Dokić je predložio da se s dnevnog reda skine 13. tačka - Davanje saglasnosti za ratifikaciju Ugovora o državnoj granici između Bosne i Hercegovine i Republike Hrvatske.

Poslije rasprave data je kratka pauza radi sumiranja prijedloga, a nakon pauze predsjedavajući je na glasanje dao prvo prijedlog dnevnog reda koji je dostavljen poslanicima, bez 4. tačke.

ZA prijedlog je glasalo 15 od 29 prisutnih poslanika, protiv je glasalo 8. Glasajući po entitetima, iz RS dva poslanika. iz FBiH ZA je glasalo 14.

Predsjedavajući je konstatovao da ovaj prijedlog nije usvojen, pa je predložio da se izvrši glasanje posebno o svakoj predloženoj tački, a potom i o svakom prijedlogu poslanika za dopunu ili izmjenu dnevnog reda.

Glasajući o prijedlozima iz rasprave, Predstavnički dom je usvojio sljedeći zaključak:

Nacrti zakona iz prijedloga dnevnog reda pod tačkom 5. i 7. do 12,*/ upućuju se Vijeću ministara Bosne i Hercegovine na izjašnjenje, kako bi se Dom o tim nacrtima mogao izjašnjavati na sljedećoj sjednici.

Vijeće ministara svoje izjašnjenje će dostaviti Domu u roku od 7 dana.

Pošto je izvršeno glasanje o svakoj predloženoj tački posebno i o svakom prijedlogu za dopunu ili izmjenu dnevnog reda, predsjedavajući je konstatovao da je za 23. sjednicu usvojen sljedeći

D N E V N I R E D:

1. Usvajanje zapisnika sa 21. i 22. sjednice Predstavničkog doma;
2. Konstituisanje Vijeća ministara Bosne i Hercegovine,
3. Program rada Predstavničkog doma Parlamentarne skupštine BiH za 2000. godinu,
4. Nacrt zakona o finansiranju političkih stranaka u BiH (predlagači: poslanici Nikola Špirić i Ibrahim Đedović),
5. Davanje saglasnosti za ratifikaciju Ugovora o državnoj granici između Bosne i Hercegovine i Republike Hrvatske,
6. Odgovori na poslanička pitanja i pitanja poslanika.

*/ Nacrt zakona o Ombudsmenu Bosne i Hercegovine (predlagač poslanik Edhem Bičakčić; Nacrt zakona o međudržavnim i međuentitetskim komunikacijama; Nacrt zakona o međudržavnom i međuentitetskom željezničkom transportu; Nacrt zakona o finansiranju željezničke infrastrukture; Nacrt zakona o osnovama bezbjednosti željezničkog transporta, Nacrt zakona o ugovorima o prevozu u željezničkom transportu; Nacrt zakona o unutrašnjoj i pomorskoj plovidbi (predlagač: poslanik Haris Silajdžić).

Ad – 1: Usvajanje zapisnika sa 21. i 22. sjednice Predstavničkog doma

O zapisnicima nije bilo rasprave.

Od 26 prisutnih, sa 22 glasa usvojeni su Zapisnik sa 21. i Zapisnik sa 22. sjednice Predstavničkog doma Parlamentarne skupštine Bosne i Hercegovine.

Ad – 2: Konstituisanje Vijeća ministara Bosne i Hercegovine

Predsjedavajući Vijeća ministara, Spasoje Tuševljak, podnio je Domu ekspoziciju i iznio sastav Vijeća ministara.

U raspravi su učestvovali: Ibrahim Spahić, Branko Dokić, Mirko Banjac, Abdurahman Malkić, Ana Havel, Adnan Jahić, Mirko Baković, Radenka Balta, Nikola Špirić, Hilmo Neimarlija i Suada Muminagić.

Na kraju rasprave, povodom postavljenih pitanja u raspravi, govorio je Spasoje Tuševljak.

Poslije rasprave izvršeno je glasanje o potvrđivanju ministara i zamjenika ministara koje je imenovao predsjedavajući Vijeća ministara.

Od 30 prisutnih poslanika ZA potvrđivanje glasalo je 18, a protiv 10 poslanika.

Glasajući po entitetima, iz Federacije BiH ZA je glasalo 10, a iz Republike Srpske 8 poslanika.

Predsjedavajući Pero Skopljak je konstatovao da je Dom potvrdio imenovanje ministara i zamjenika ministara. Prema tome, Predstavnički dom je potvrdio imenovanje sljedećih ministara odnosno zamjenika ministara:

1. Ministarstvo za trezor institucija BiH:
 - dr Spasoje Tuševljak, ministar,
 - Anton Ril, zamjenik,
 - Fatima Leho, zamjenik.
2. Ministarstvo civilnih poslova i komunikacija:
 - mr Tihomir Gligorić, ministar
 - Nudžeim Rečica, zamjenik,
 - Valentin Ćorić, zamjenik.
3. Ministarstvo inostranih poslova:
 - dr Jadranko Prlić, ministar,
 - Mladen Bosić, zamjenik,
 - Husein Živalj, zamjenik.
4. Ministarstvo za evropske integracije:
 - dr Bisera Turković, ministar,
 - Lidija Topić, zamjenik,
 - Milovan Blagojević, zamjenik.
5. Ministarstvo vanjske trgovine i ekonomskih odnosa:
 - Mirsad Kurtović, ministar,
 - Mićo Vuković, zamjenik,
 - Velimir Lovrić, zamjenik.

6. Ministarstvo za ljudska prava i izbjeglice:

- Martin Raguž, ministar,
- Fadil Haverić, zamjenik,
- dr Nikola Špirić, zamjenik ministra.

Zaključujući 2. tačku dnevnog reda predsjedavajući je zaključio i rad prvog dijela 23. sjednice.

Nastavak 23. sjednice održan je 4. jula 2000. godine. Prisustvovalo je 35 poslanika (iz Republike Srpske 12, iz Federacije BiH 23).

Odsustvo sa sjednice opravdali su poslanici Ivo Mijačević, Radenka Balta, zamjenik predsjedavajućeg Halid Genjac. Bez najave odsustvovao je g. Haris Silajdžić (Hamdija Kulović i Safet Oručević su u ostavci).

Prije početka rada po usvojenom dnevnom redu, pred Domom su svečanu zakletvu dali predsjedavajući Vijeća ministara, ministri i zamjenici u Savjetu ministara Bosne i Hercegovine.

Predsjedavajući Pero Skopljak je, poslije davanja svečane zakletve, čestitao predsjedavajućem, ministrima i zamjenicima i poželio im uspjeh u odgovornom radu. Zatim je nastavljen rad na 3. tački dnevnog reda.

Ad – 3: Program rada Predstavničkog doma za 2000.

Uvodno izlaganje o Prijedlogu programa rada, u ime predlagača, dao je Mirko Banjac, zamjenik predsjedavajućeg Doma.

U raspravi povodom ove tačke dnevnog reda učestvovali su: Ibrahim Spahić, Suada Muminagić, Rasim Kadić, Branko Dokić, Tarik Čaršimamović, Sejfudin Tokić, ministar Mirsad Kurtović, Abdurahman Malkić, Desanka Rađević i Ana Havel.

U raspravi je izneseno više prijedloga za dopunu predloženog programa rada.

S obzirom da su se određeni poslanici (I. Spahić, R. Kadić, T. Čaršimamović i S. Tokić) u svojim diskusijama pozivali na Odluku Ustavnog suda BiH, replicirao je g. Mirko Banjac, rekavši, pored ostalog, da se “u više navrata danas zloupotrebljava Odluka Ustavnog suda u kojoj su preglasani predstavnici dva naroda...”, “da sve što ide na principu preglasavanja ima izuzetno opasne posljedice po BiH”...”da daljnja procedura u implementaciji te odluke mora da prođe entitetske parlamente”.

Ova replika izazvala je dosta replika i žučnih rasprava, u kojima su učestvovali: Ibrahim Spahić, Sejfudin Tokić, Hilmo Neimarlija, Branko Dokić, Mara Perkanović, Mirko Banjac, Branislava Jovanović, Desanka Rađević i Nikola Špirić.

Poslanik Sejfudin Tokić je predložio da se Predstavnički dom izjasni o povjerenju g. Mirku Banjcu, jer on, kao “jedan od predsjedavajućih Doma, osporava Odluku Ustavnog suda”. Naglasio je da su odluke Ustavnog suda konačne i obavezujuće.

Predsjedavajući je dao pauzu radi sumiranja prijedloga za dopunu Programa rada.

Poslije pauze predsjedavajući g. Pero Skopljak, je konstatovao da su sjednici prisutna 24 poslanika. Pozvao je poslanike da se prvo izjasne o prijedlogu g. Tokića da se glasa o povjerenju zamjeniku predsjedavajućeg g. Banjcu. Jedan broj poslanika je negodovao s mjesta, prigovarajući da to nije tačka dnevnog reda ove sjednice i da Dom treba da glasa o Prijedlogu programa i prijedlozima za dopunu Programa.

Reagovao je g. Rasim Kadić, rekavši u svojoj raspravi, pored ostalog, da je dom imao tačku dnevnog reda – Program rada Predstavničkog doma za 2000. godinu i da se najprije završi ono što je osnovna zadaća ove tačke dnevnog reda, a svi drugi prijedlozi su

naknadne stvari. Rekao je da on nije protiv da se Dom izjasni i o prijedlogu g. Tokića, ali da se ide redom.

G. Mirko Banjac je naglasio da je poslanik u raspravi dao izričit prijedlog da se glasa o povjerenju njemu, ali da se i on pita zašto? “Zato što sam kao poslanik izišao i rekao to što sam rekao”. Naglasio je da je zahtijevao da se njegova diskusija podijeli poslanicima i da i sam zahtijeva da se Dom izjasni o prijedlogu poslanika Tokića za izglasavanje nepovjerenja njemu kao članu Kolegija.

Poslanik Rijad Raščić je u svojoj diskusiji povodom prijedloga poslanika Tokića, pored ostalog, rekao “da je jedno od osnovnih ustavnih prava pravo poslanika’ da u Skupštini iznesu svoje mišljenje i da za to ne mogu biti krivično, naravno ni moralno prognani”... “Kolega Banjac ima pravo da kaže da u ovoj državi BiH ne mogu biti narodi u jednom ili drugom entitetu konstitutivni... Moje je mišljenje da treba da budemo konstitutivni i mi treba u ovom parlamentu na demokratskim principima da se ubjeđujemo za te ciljeve”.

Replicirao je g.Tokić. Zatražio je da se poslanicima dostavi tekst diskusije g. Banjca. Naglasio je, pored ostalog, da on ne traži opoziv g. Banjca kao poslanika, nego kao zamjenika predsjedavajućeg Predstavničkog doma, “kao čovjeka koji će sutra sa g. Bičakčićem i drugim iz koncepta ove vlasti sjediti i predstavljati ovaj Predstavnički dom pred međunarodnim institucijama, vladama i parlamentima...”.

Dalje su u raspravi povodom ovog pitanja učestvovali: Mara Perkanović, Mirko Banjac, Vito Rakić, Sejfidin Tokić i Ivo Divković.

Poslije rasprave predsjedavajući je na glasanje dao prvo Prijedlog programa rada koji je predložio Kolegij Doma u punom sastavu. Naglasio je da se Kolegij ne može izjašnjavati o prijedlozima poslanika za dopunu Programa iz razloga što je odsutan jedan član Kolegija. Dao je na glasanje Prijedlog programa Kolegija.

Od 30 prisutnih u vrijeme glasanja 24 poslanika glasala su za Prijedlog programa rada Predstavničkog doma za 2000. godinu, kojeg je predložio Kolegij.

Glasajući po entitetima, iz Federacije BiH ZA je glasalo 11, a iz RS takođe 11 poslanika.

Predsjedavajući je konstatovao da je Program rada usvojen kako je predložio Kolegij.

Što se tiče prijedloga iz rasprave u odnosu na Program, predsjedavajući je rekao da će se o svakom prijedlogu Dom izjasniti, a da Kolegij, s obzirom da nije kompletan, o njima ne može zauzeti stav.

Dalje su diskutovali: Mirko Banjac, Suada Muminagić, Rasim Kadić, Ibrahim Spahić, Branko Dokić, Sejfidin Tokić, Rijad Raščić i Tarik Čaršimamović. U raspravi je predloženo da se Kolegij dopuni privremenom zamjenom odsutnog člana, kako bi se izjasnio o prijedlozima poslanika, a da se poslije toga glasa u domu o prijedlozima koje Kolegij ne prihvati. Ovaj prijedlog je prihvaćen, pa je predsjedavajući dao pauzu, kako bi dopunjeni Kolegij razmotrio prijedloge za dopunu Programa rada i o njima zauzeo stav.

Poslije pauze predsjedavajući je upoznao Dom da je privremeno popunjeni Kolegij (g.Tarik Čaršimamović umjesto g. Halida Genjca) u pauzi razmotrio prijedloge za dopunu Programa i o njima zauzeo stav. Takođe je saopštio koje je prijedloge Kolegij prihvatio, pa su oni postali sastavni dio Programa rada. O ostatku prijedloga Dom se izjasnio glasajući o svakom pojedinačno. Tako su u Program rada Predstavničkog Doma za 2000. godinu uvrštena i sljedeća pitanja:

A – Zakonodavna aktivnost:

1. Zakon o manjinama,
2. Zakon o restituciji,
3. Zakon o civilnoj službi,
4. Zakon o slobodi informacija,
5. Zaon o sportu,
6. Zakon o standardizaciji (uključuje i mjeriteljstvo i akreditacije),
7. Zakon o pošti – kao radni naslov,
8. Zakon o međuentitetskom i međudržavnom drumskom-cestovnom prevozu putnika i robe,
9. Zakon o osnovama bezbjednosti drumskog saobraćaja – prometa u BiH,
10. Zakon o ugovorima o prevozu u drumskom-cestovnom transportu u BiH,
11. Zakon o međudržavnom i međuentitetskom željezničkom transportu BiH,
12. Zkon o unutrašnjoj i pomorskoj plovidbi,
13. Zakon o međudržavnim i međuentitetskim komunikacijama BiH.

B – Analitičko-informativna djelatnost:

1. Informacija o međuentitetskoj saradnji u oblasti obrazovanja,
2. Rezolucija o povjerenju i pomirenju,
3. Strategija o ekonomskom i socijalnom razvoju, koja je planirana za mjesec oktobar, da se planira prije, po pristizanju materijala i
4. Srednjoročna strategija ekonomskog razvoja BiH.

U odnosu na prijedloge ministra Mirsada Kurtovića Dom je zauzeo stav da ih razmotri Savjet ministara, te ukoliko ih prihvati da će postati sastvnim dijelom Programa rada Predstavničkog doma.

Povodom prijedloga g. Sejfudina Tokića da se glasa o povjerenju g. Mirku Banjcu, poslanicima je dostavljen tekst rasprave gospodina Banjca, kako je ranije zahtijevano. Povdom iste Sejfudin Tokić je ponovo zahtijevao da se Dom izjasni o povjerenju članu Kolegija, naglasivši “da ne dozvoljava da se preko nje pređe...i da se zaključi ova tačka dok se Predstavnički dom ne izjasni o zaključku za izglasavanje nepovjerenja g. Banjcu”.

Predsjedavajući Skopljak je postavio pitanje – koja je ovo tačka dnevnog reda, a g. Tokić je dalje insistirao na svom prijedlogu.

Replicirao je g Banjac, pa ponovo Tokić. Dalje su u raspravi učestvovali Rasim Kadić, Desanka Rađević, Mirko Banjac, Ibrahim Spahić, Branko Dokić.

Predsjedavajući je pokušao da da’ na glasanje prvo prijedlog da se u dnevni red uvrsti glasanje o povjerenju zamjeniku predsjedavajućeg. Međutim, za riječ se javio g. Edhem Bičakčić. On je, pored ostalog, rekao da, ako se analizira današnji rad, vidjeće se da se puno vremena potrošilo na pitanjima koja nisu na dnevnom redu. Naglasio je da je zaključak koji je g. Tokić predložio potpuno neustavan i neutemeljn. Rekao je da on ne privhata ni po kom osnovu diskusiju g. Banjca, ali ni jedan poslanik zbog svoje riječi ili izgovorenog stava za skupštinskom govornicom ne može biti kažnjen.

Dalje su diskutovali ponovo Rijad Raščić, Sejfudin Tokić, Mirko Banjac i Nikola Špirić.

Predsjedavajući je ponovo upozorio poslanike da se ova rasprava vodi izvan tačke dnevnog reda i da se ovo mora “uokviriti”. Zato je naglasio da će prvo pozvati Dom da se izjasni da li će glasanje o povjerenju zamjeniku predsjedavajućeg ući u dnevni red ili ne,

pa će se onda glasati o prijedlogu zaključka poslanika Sejfudina Tokića. Ovaj prijedlog predsjedavajući je dao na glasanje.

Od 28 prisutnih, 10 poslanika je glasalo ZA, 12 je glasalo protiv.

Predsjedavajući je konstatovao da poslanici nisu podržali uključivanje u dnevni red glasanja o povjerenju zamjeniku predsjedavajućeg Doma, g. Mirku Banjcu.

Ovim je okončana rasprava povodom ovog pitanja.

Ad – 4: Nacrt zakona o finansiranju političkih stranaka u BiH **(predlagači: poslanici Nikola Špirić i Ibrahim Đedović)**

U raspravi povodom Nacrta zakona učestvovali su Rasim Kadić, Suada Muminagić, Ana Havel, Nikola Špirić, Hilmo Neimarlija, Brnako Dokić, Ibrahim Spahić i Abdurahman Malkić.

Poslije rasprave Dom je prihvatio Nacrt zakona, uz zaključak da se predlagaču Nacrta dostavi tekst rasprave radi razmatranja prilikom izrade prijedloga zakona.

ZA Nacrt s zaključkom glasala su 24 prisutna poslanika.

Ad – 5: Davanje saglasnosti za ratifikaciju Ugovora o državnoj granici između BiH i Republike Hrvatske

Poslanik Branko Dokić je prigovorio da nisu ispunjene obaveze iz Sporazuma o prioritetima u provođenju Ugovora o državnoj granici između Republike Hrvatske i Bosne i Hercegovine, što je trebalo da se izvrši do kraja 1999. godine. Zato je predložio da Dom zaključi da se zatraži od odgovarajućih institucija da se realizuju ove obaveze i da se opet da' određeni rok za izvršenje – do kraja 2000. godine, kako bi onda bili ostvareni uslovi za ratifikaciju Ugovora.

U raspravi su učestvovali: Ivo Divković, Mirko Banjac, Tarik Čaršimamović i Ana Havel.

Poslije rasprave predsjedavajući je dao na glasanje prijedlog da se odgodi davanje saglasnosti za ratifikaciju Ugovora za sljedeću sjednicu, a da se od Predsjedništva BiH zatraži mišljenje u vezi sa spomenutim Sporazumom o prioritetima u sprovođenju Ugovora o državnoj granici između BiH i RH.

Od 24 prisutna, 21 poslanik je glasao ZA prijedlog, a 2 poslanika su glasala protiv. Prema tome, prijedlog je usvojen.

Ad – 6: Odgovori na poslanička pitanja i pitanja poslanika

Tarik Čaršimamović je predložio da se sjednica Doma sazove za 7 dana i da se u dnevni red uvrste prijedlozi zakona koji su prošli proceduru u formi nacrta.

Predsjedavajući je odgovorio da je Dom iscrpio sve materijale koji su bili u redovnoj proceduri, a da će Kolegij sazvati narednu sjednicu čim bude materijala.

Suada Muminagić zatražila je od Kolegija da za iduću sjednicu predloži sastav novoformirane Komisije za ostvarivanje jednakosti polova u BiH.

Mara Perkanović postavila je dva poslanička pitanja.

1. Zašto nema odgovora na njezino pitanje koje se tiče Zakona o privatizaciji stanova u FBiH, po kojem se vrši diskriminacija izbjelih i raseljenih lica,

- nosilaca stanarskog prava, postavljanjem samo njima uslova da moraju provesti u stanu najmanje dvije godine da bi otkupili stan.
2. Kako je moguće da izbjegla i raseljena lica iz Federacije BiH na zahtjev za povrat stanarskog prava u FBiH dobiju rješenja sa negativnim odgovorom, mnogi čak i rješenja o oduzimanju stanarskog prava?
 3. Zašto se spori izbjeglim i raseljenim licima da slobodno, po svojoj volji i bez uslovljavanja, raspoložu svojim stanarskim pravom.

Ibrahim Spahić zahtijevao je sljedeće:

1. da ministar za evropske integracije za sljedeću sjednicu poslanicima dostavi informaciju o tome kakvo je učešće BiH u sva tri okrugla stola Pakta o stabilnosti za Jugoistočnu Evropu;
2. da se Kolegij angažuje kako bi sa predstavnicima RTV na nivou BiH ili entiteta, dogovorili da se vrši direktan prenos sjednica Doma;
3. da Kolegij, zajedno sa sekretarima, obezbijedi normalne uslove za rad novinara i
4. da Bosna i Hercegovina podnese zahtjev za pridruženo članstvo u Parlamentarnoj skupština NATO pakta.

Ovim je završen rad 23. sjednice.

Sastavni dio ovog zapisnika je magnetogram 23. sjednice Predstavničkog doma.

**PREDSJEDAVAJUĆI
PREDSTAVNIČKOG DOMA
mr. Pero Skopljak**